



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Alfonsus de Villegas n. 66

urn:nbn:de:hbz:466:1-38486

deleretur) à fundamentis erexit? quis alias Idololatriam im-
mensis propemodum laborum, famis, persecutionum, Mar-
tyriorum, & miraculorum expensis illinc ablegauit, ac expu-
lit, quām Societas IESV? quibusnam alijs aquæ-ductibus in
terras illas inuias & inaquosas, gratiæ suæ Euangelicæ aquas,

*Scientia,
& Sacra-
mentorum
fontes iam
pene turbati-
dos clarifi-
cauit.*

I&i. 35 1.

*Primum;
Academij,
scriptis,
pulpitis,
collegij, &
Cathedris.*

*Secundum;
exomologe-
seos, &
synaxeos
frequenter.*

ab Anglis, & cæteris Hæreticis repulsas, induxit, & inuexit
Deus, ita vt latetetur deserta & inuia, & exultet solitudo, &
floreat sicut lumen, quām Societatis hominibus? Eius indu-
stria & sapientia (*addit fol. 18.*) duo Ecclesiæ fontes scientiæ,
& Sacramentorum iam pene turbidi, & penè guttatum stil-
lantes, clarificati sunt, & velut primis Ecclesiæ temporibus

plenis canalibus iterum cœperunt fluere. De fonte scientiæ
dicant totius Orbis Academiæ, in quibus ferè soli Socie-
tatis IESV Scriptores præleguntur: dicant innumera prope-
modum eorumdem Scriptorum doctissima volumina: di-
cant totius Ecclesiæ Pulpita: dicant Ædes Collegiatæ ac

Cathedrales: dicant omnes Religiosi Coetus, dicat Christia-
naiuentus: dicant & ipsi hostes Hæretici, Societatis IESV
scientiam deprædicent, & reformident. Dicant Æthiopica,
Sinica, & Iaponica Imperia: dicant Cambaya, Monomotapa,
Brasilia, & India Vniuersa, &c. De secundo fonte Sacramen-
torum (*concludit tandem*) quis eorum iam pridem exulanten-
frequentiam, & per Societatem IESV reuocatam satis ponde-
rare possit? Testes appello exomologeseos tribunalia, dicam
ne pharmacorum omnium ad curandos animi morbos offi-
cinas? Testes appello sacræ synaxeos paratas mensas, & fre-
quentissima, vt in Ecclesiæ primordijs, conuiua: testes appel-
lo tot Sodalitia mira animorum retia; ô quanta bona no-
bis pariter venerunt tecum ô Societas IESV! Dicamus ergo,

& iure optimo, in diebus eius remanauerunt putei aqua-
rum, &c. Hactenus inter alia innumera ex tanto Doctore prælibasse
sufficiat.

66. * AB ALFONSO VILLEGRAS Scriptore notissimo
Capellano S. Ecclesiæ Toletana Tom. I. de Sanctis Extrauagantibus
sub

Sub finem folij mihi 479. col. 2. David Rex, (*inquit*) Christi Domini typus fuit, vxores vero illius plurimæ, quibuscum iniit matrimonium, Sacras Religiones adumbrarunt, quas habuit, ac habet Deus in Ecclesia sua. Abisac virgo, quam duxit David iam senex, ut corpus suum frigidum foueret, & calefaceret, Sacram Societatis IESV Religionem significat; quæ senescente & frigescente, & iam pene delirante Mundo Instituta est, ut habetur in Pontificis Pauli V. diplomate ad eius confirmationem edito ann. 1543. Præcipuus eius finis est exaltatio fidei, & salus animarum: vnde eius exercitia sunt, concionari & iuuentutem instituere, fidei rudimenta edocere, Sacraenta pœnitentiæ & Eucharistiæ administrare, quibus quidem Corpus Christi mysticum, fideles scilicet frequentur & amore Dei exardent longe felicius, quam frigidum David calore Sulamitis, &c. *Et fol. 484. Concludit.* Dico deinde Ecclesiam sanctam à spiritu S. Sponso suo Aciei Castrorum bene ordinatæ comparari. In exercitu bellico pedites & equites sunt: in Ecclesiæ autem exercitu Religiosi sunt Equites, verum Societas IESV est Acies Peditum bombardis armata: sunt enim bombardæ non pridem inuentæ: fuit etiam Societas IESV nuper Instituta, Bombardæ eminus feriunt; haud aliter isti Religiosi ex Vrbe Indias, ex occidente Orientem quasi vibratis pilis percusserunt, expugnarunt, superbas Idolatriæ Turres subruerunt, & innumeræ nationes Christiano Imperio adiunxerunt: bombardæ non nisi tormentario puluere accenso disploduntur: Ita & hi Religiosi diuini amoris Igne inflammati maiorem Dei gloriam anhe- lant, & proximi salutem. *Hæc ille.*

3. Reg. 1.2
Abisac Sulamitis
Mundum
frigidam
calefaciens
Eius finis
fidei exal-
tatio, &
animarum
salus.

Cant. 6. 9.

Est pede-
stris Eccle-
sia acies
bombardis
armata.

67. * A CONGREGATIONE CLERICORVM Virgi-
nis Assumptæ in Collegio Neapolitano Nostræ Societatis erectâ, in
Compendio vita S. Ignati Italice scripto, & Hispanice reddito, &
Limæ typis excuso, anno 1628. fol. 9. ubi illa præclaram Societatis
famam, & heroica gesta sequenti testimonio commendat æternitati.
Quamquam (*inquit*) supradicta omnia maximam S. Ignatij
sancti-

De toto
terrarum
orbe bene-
merita
mirabilis
animarum
fructu.